



古320
544.2
:12

+104
244
24





亦政堂重修宣和博古圖錄卷第十



卣二 一十八器

商 一十五器

父丙卣 銘一十二字

父己卣 銘三字

父辛卣 銘八字

執匕父丁卣 銘六字

持干父癸卣 銘三字

婦庚卣 銘七字

父舉卣 銘三字

史卣 銘一字

持刀父己卣 銘一十四字

母乙卣 銘二十二字

冀父辛卣 銘一十四字

祖庚卣蓋 銘三字

夔龍卣一

夔龍卣二

夔龍卣三



周 三器


淮父卣 銘八十二字

單癸卣 銘五十八字

樂司徒卣 銘二十二字

商父丙卣





蓋



手執 禾
 二 父 丙
 弓 孫

器





音釋同前

右通蓋高一尺七分深六寸三分口徑長二
 寸九分闊三寸二分腹徑長七寸八分闊六
 寸二分容六升三合共重一十一斤十有二

兩兩耳有提梁蓋與器銘共一十二字曰父
丙禾孫其上又為弓形并手執二矢飾以弓
矢者意其平日之所嗜好而子孫之所以享
祖考者當以是求之也然禾字全作禾稷之
形亦固有義夫卣所盛者裸也為之裸者其
稷也稷有一稊二米稟冲氣最盛故昔人
用以為鬯而享神亦示其誠之不可虛拘也
銘禾於卣義固有在耳


商父己卣







右高七寸三分深六寸五分口徑長三寸六分闊三寸腹徑長七寸四分闊五寸八分容五升有半重六斤十有二兩兩耳闕蓋有提梁銘三字曰父己上有立戈形按商之十世君曰雍己此曰父己則是其子銘其父之祀器也攷雍己之子是為小甲是器當小甲之世為之作立戈形亦以嗜好求其神也蓋古之尚象未有不及是者故於是而立戈爵有

立戈鬻有立戈癸尊有立戈父癸卣蓋與此
 意同也其製作質古真商物也但特止其蓋
 耳



商父辛卣





盖

𠄎
貝父辛

三矢
形 貝父辛

器


𠄎
貝父辛


音釋同前

右通盖高一尺深七寸五分口徑長三寸五分
 闊二寸六分腹徑長六寸七分闊五寸四分容
 四升九合共重七斤五兩兩耳有提梁盖與器
 銘共八字象三矢之形而以一格立之曰貝父
 辛按書文侯之命以言平王錫晉文侯也曰用


賚爾秬鬯一卣繼之以彤弓一彤矢百盧弓一
 盧矢百則卣之銘三矢者得不紀君惠耶一生
 二二生三三生萬物則三者揔數耳又詩言菁
 菁者莪此育材之詩也而曰既見君子錫我百
 朋而釋者謂古者貨貝五貝為朋則人君之錫
 臣下亦有及於貝者書言大貝在西房蓋國之
 所寶也以貝銘之卣間是亦象矢之義也父辛
 則指其人而已

商執匕父丁卣





盖



手執
七形
父丁

器





音釋同前

右通盖高九寸四分深六寸七分口徑長四寸四分闊三寸二分腹徑長七寸七分闊五寸九分容五升九合共重七斤有半兩耳有提梁盖與器銘共六字曰父丁又作手執七

形於其上祭祀之義以養為主而匕所以示其養也於禮見之夫雍人掌割烹之事也而曰概鼎匕俎于雍饗則匕所以載鼎實耳又廩人掌米入之藏也而曰概匕與斂于廩饗則亦以匕黍稷焉詩曰有饌簋餐有捄棘匕則斂與簋皆盛黍稷器其為用於食明矣然則匕於飲食無所不用宜以養為主也卣之為器豈非以養為先哉

商持干父癸卣





孫
持干
父癸

右高七寸八分深六寸七分口徑長四寸五分闊三寸三分腹徑長七寸六分闊五寸九分闊蓋有提梁容六升三合重八斤四兩銘曰父癸而上為人形兩手各持干按周官司干掌舞器祭祀舞者既陳則授舞器既舞則


受之賓饗亦如之然則祭于廟用于賓設于饗禮莫不皆有干舞焉蓋干武舞也有是功斯有是舞以稱之非是則君子不取然古者舞有文武若羽舞皇舞文舞也干舞人舞武舞也詩曰左手執籥右手秉翟又曰值其鷺羽皆指文舞而言之禮曰朱干玉戚以舞大武詩曰萬舞有奕皆指武舞而言之於是王者興以武得天下則其廟樂皆有武舞是

器商物而卣乃薦秬鬯之器實用於宗廟然其銘曰父癸則明為子以奉其父者在商之時号報癸者惟成湯之父故今所藏彝器凡商物銘癸者皆歸之報癸然則用舞於癸廟亦宜以其子之所有而薦之湯以武得天下其所舞者朱干玉戚也故於器以干銘之然其銘象人形兩手各執干而不以玉戚兼之者亦取夫干以自衛不事乎兵之道歟且黃帝堯舜以至三王其所謂文武之樂莫不有之故有樂則舞從焉是以舞文者若黃帝之雲門堯之大咸舜之大韶夏之大夏是也舞武者若湯之大濩武王之武是也然而舜用大韶之文舞而亦有所謂舞干者方時有苗為之孽則不可無武備耳要之以德為主也且項所藏彝器其銘有持刀父已有立戈父甲又有所謂持戟父已而獨無持干者夫

干以自衛有征無戰非若戈戟也書云帝乃
 誕敷文德舞干羽于兩階則帝者之盛德成
 功其在茲歟其在茲歟

王黼曰商持干父癸卣今所傳商器有
 持戈持刀持戟獨無持干者干以自衛
 與舞干同義敷文德之器也大抵上古
 彝器凡持五兵者皆著伐功云

商婦庚卣





○子孫


婦甲庚丁



右高七寸二分深五寸九分口徑長三寸七分闊三寸腹徑長七寸七分闊五寸九分容五升四合重六斤十有二兩兩耳闕蓋有提梁銘七字其一字泯滅不可攷餘曰子孫婦甲庚丁夫彝器多以子孫銘之以其承祖考

之祀者有在於是若乃中饋之職從其夫以相祀事此又婦之於姑舅禮所不廢蓋以人道而事神則宗廟致欽之義婦宜預焉詩言君婦莫莫為豆孔庶是也關雎之美后妃采蘋之詠夫人采蘋之語大夫妻莫不皆以供祭祀為先耳然古者婦之預祭惟宗廟則從至於外祀則莫從也故必言子孫婦以別其宗廟之祀歟曰甲庚丁者祭之日也夫外事

用剋日內事用柔日宗廟之祀當用柔日而此無甲庚何哉蓋春秋言辛巳有事于太廟壬午繹則宗廟正祭必用柔日而至于繹祭則無害其用剋日也天有十日地有十二辰日辰未嘗不相配而言如辛巳壬午之類是矣且此獨言日而不言辰者以言日則辰從之昔人言簡而意足故其銘如此

商父舉卣






辛父舉

右通蓋高九寸五分深六寸一分口徑長三寸六分闊二寸六分腹徑長七寸九分闊五寸四分容五升二合共重六斤有半兩耳有提梁銘三字曰辛父舉按周有天下立二王

後乃封紂子武庚于宋以續商祀武庚被誅
又命微子啓代商後俾得用天子禮樂故凡
器用服飾一遵商制詩所謂亦白其馬以商
尚白而不從周之尚赤也然則宗廟祭祀其
亦遵商明矣自微子至于僖公舉實為八世
則其得用商禮可知是卣商卣也曰父舉則
是為僖公舉也


商史卣





右高七寸一分深六寸一分口徑長四寸一分
 闊三寸腹徑長七寸三分闊五寸四分容五升
 二合重五斤兩耳闕提梁銘一字曰史者史言
 其官有以史為氏族者因官而受氏焉今有爵
 銘三字曰史父辛字畫相類則知史名其官是
 卣狀饗饗而環以連珠文縟典雅真商物也

商持刀父己卣





器

蓋




音釋同前


子持刀作父已
寶尊彝



右通蓋高六寸八分深四寸三分口徑長四寸闊三寸一分腹徑長六寸闊四寸九分容二升八合共重三斤十有三兩兩耳有提梁蓋與器銘共一十四字父己者商君也子字象形而右手持刀按商祖乙卣亦作此象蓋欲示孝子親職其勞以明割牲之義詩云執其鸞刀以啓其毛取其血膋凡以是也

商母乙卣





盖



丙寅王錫○貝
朋用作母乙彝


器




音釋同前

右通蓋高八寸六分深五寸六分口徑長三寸八分闊三寸腹徑長七寸一分闊四寸二分容三升五合共重五斤一兩兩耳有提梁蓋與器銘共二十二字曰丙寅王錫者以甲子推之商建國始於庚戌歷十七年而有丙寅正在仲壬即位之二年也其曰王錫則王之錫賚功臣之器如周公文侯之卣亦王之所錫也故記禮者以謂賜圭瓚然後為鬯則知此器非臣下之所專有又曰作母乙彝者如詩言文母同意攷商周之時立子生商者有娥也故長業之禘及之厥初生民者姜嫄也故雖之禘及之是皆率親之義耳蓋知是卣乃王錫臣工以追享其母氏歟以夫家廟未嘗無合食者也


商冀父辛卣



商冀父辛卣



博古圖



蓋



蕘作父辛
旅彝亞

器





音釋同前

右通蓋高六寸三分深四寸二分口徑長三寸九分闊二寸九分腹徑長五寸五分闊四寸

寸容二升三合共重四斤有半兩耳有提梁
 蓋與器銘共一十四字冀者國名也昔人受
 封於此則後世食采於所封之地復以為氏
 焉父辛商號也曰旅彝者昔人嘗謂有田一
 成有衆一旅則旅舉其衆也考諸款識虬曰
 旅虬斂曰旅斂匝曰旅匝籃曰旅籃義率如
 此其後作亞形者又以象其藏主石室之制
 蓋宗廟之器也

商祖庚卣蓋







祖庚史


右高四寸二分長五寸九分闊四寸七分重
 二斤六兩銘曰祖庚史且商二十代之君
 曰祖庚實為武丁氏之子是器銘曰祖庚史
 則祖庚時史之卣也人臣之享家廟非君錫
 彝器則不可專有故以祖庚史銘之蓋之銘
 如此則其器亦當有是銘此特失其器耳按
 周宰辟父敵蓋與器之銘各七十五字周邠
 敵蓋與器之銘各一百七字略無少異獨周

仲駒啟蓋與器銘雖同而器銘則可以順讀
 蓋銘則反是以此少異耳異時茲器一出其
 器與蓋銘亦必相合焉




商夔龍卣一







商夔龍卣二



商夔龍卣三





前一器通蓋高七寸六分深五寸一分口徑
長三寸四分闊二寸七分腹徑長五寸五分
闊三寸九分容二升六合共重四斤九兩兩
耳有提梁無銘
次一器通蓋高一尺二分深六寸六分口徑
長四寸五分闊三寸七分腹徑長六寸五分
闊四寸九分容五升一合共重九斤十有五
兩兩耳有提梁無銘

後一器高五寸八分深四寸四分口徑長五
寸二分闊三寸二分腹徑長七寸二分闊四
寸四分容三升四合重四斤六兩兩耳闕蓋
闕提梁無銘

右三器俱飾以夔龍前二器有稜若觚後一
器形如觚三闕其蓋與提梁然皆卣也但形
制不同商之文物視周猶為尚質故其設飾
取象特簡古耳


周淮父卣



博古圖

卷十

十一



蓋

師從師淮父成于古耳茂曆錫目山
 錫穆拜稽首對揚
 師淮父休用作文
 考日乙寶尊彝
 其子孫永福

器



師從師淮父成于古耳茂曆錫目山
 錫穆拜稽首對揚
 師淮父休用作文
 考日乙寶尊彝
 其子孫永福

穆從師淮父成于
 古耳茂曆錫目山
 錫穆拜稽首對揚
 師淮父休用作文
 考日乙寶尊彝
 其子孫永福

音釋同前

右通蓋高六寸八分深四寸四分口徑長三寸九分闊二寸九分腹徑長五寸八分闊四寸七分容二升三合共重五斤一兩兩耳有提梁蓋與器銘共八十二字其曰穆從師淮父成于古者穆與淮父索諸經傳悉無所見成則如詩言遣成後之成謂穆從淮父以成後于古也按曲禮生曰父曰母死曰考曰妣則此曰文考者蓋後世追享之器耳夫卣非燕饗之器惟祀宗廟之神則用之其所盛則秬鬯也且君錫臣以秬鬯之裸其始則盛於卣其終則裸於彝所以求神於陰者曰日乙者舉其日之吉也亦猶大夫始鼎曰日己寶鼎文考尊曰日癸尊彝之類舉日之吉者所以嚴其事也

周單癸卣



盖



同爵選單景
祭夙夕饗爾
宗尊彝其已父
子壹作父祭旅車
文考日祭乃方

器



音釋同前

右通盖高五寸八分深四寸口徑長三寸六分闊二寸七分腹徑長六寸五分闊四寸三分容二升一合共重三斤二兩兩耳闕提梁盖與器銘共五十八字曰夙夕饗爾宗則是饗禮所用之卣宗者如禮記所言大宗小宗之類非諸侯之傳姓者也是器乃單作父癸卣然先曰饗爾宗則癸於單族盖是其宗耳初河南岸圮張燾者得十數物而此卣是其

一復有數器雖形制不同皆有單景字疑皆
一時物如所謂單從彛單從舟單從鼎單從
盂者是也獨單父乙鼎單字頗異又文皆少
於癸卣豈詳於此則略於彼其互相備耶

周樂司徒卣





樂大司徒
子象七子
洪作旅
其眉壽子
孫永寶用

右高九寸深八寸九分口徑長三寸八分闊
三寸三分腹徑長七寸五分闊六寸容七升
八合重五斤有半銘二十有二字周官有
地四時之職是為六卿惟大司徒實掌地事
曰樂大司徒則樂者姓氏也宋戴公四世之
孫有曰樂莒而後世子孫因以為氏又曰司
徒子象之子洪作旅卣蓋言司徒之孫作是
器也按王安石字說衆曰旅則知旅卣者非

一器也蓋旅進旅退非一之狀猶編鐘編磬
之類是矣是器比它卣而復有臯且著地無
足當是旅卣之別耳

亦政堂重修宣和博古圖錄卷第十

